

25 9. Jenn

10

Der alt vnd new Bruder Wolhard.

Darin vil alter Propheceien vnd Pratick
auff dreyerley Reich/ Römisch/ Französisch/vnnd
Türkisch/wie lang jedes weren sol/von Merlino/
Sybilla / Brigitta / Methodio vnnd Rain-
hardo prophetirt / Auch wie es auff die
letzte zeit mit Herrn vnd Fürsten/dar
zü mit Geystlichen / vnnd sonst
andern ständen / soll er
gahn/trewlichen an-
zogen werden.

Dem Römischen Reich zü ehren erwann zü Basel
von einer jungen Burger schafft gespielt
inn der fastnacht.



Dis. Reforma. pugna. Et vinces.

6

Der Ehrenholde.



Gantz fleißig bitt ich jederman
das er sein mundt wöll stille han
Ein kleine weil / vnd hören zü/
wie Gott so hart vns trawet nu
Inndieser bösen zejt züstraffen/
wer will nun dessen zornentlassen?
Ober vnd vnder seint all gleich/
gewaltig inn der sünden reich/
Gottes genad ganz durch auß ler
das ist lang zejt verkündet her/

Noch

Noch will sich niemants daran stossen
 den waren gott handt all verlassen,
 Wiedas anzeygt der Nollhard güte
 der stets so trewlich warnen thüt
 Keyser/ Künig/ Churfürsten vnd hern/
 Ober sie möcht der straff entwern.
 Wie das verfast man täglich sibt/
 Wer acht nun jetz der letzten zit
 Drum ist der brüder vnmutts voll/
 mahnt das man sich bekeren soll/
 Von sünden bald zü vnserm Gott/
 Ehe vns züm schaden kump der spot.
 Tu nembt das alles wol zübertz/
 der bruder treibt fürwar kein scheres
 Sagt jedem war ans gelegen/
 Thut ihn all gar sauber segen
 Schier haut vnnd har gar hinweg
 Zübringen auff den rechten steg/
 Wie Christus das hat wol gelett/
 Jetzunder ist es als verkert.
 Das wirt der brüder alles sagen/
 Tu horchet auff sein grosses klagen
 Ganz fleissig bitt ich jederman
 das er sein mund well stille han/
 Vnnd hören was der bruder kan/
 In Gottes namen fang ichs an.

a ij



Der alt vnd jung bru, der Wolhard / von allen Ständen.

Brüder Wolhards flag.



N Achzient zü mein lieben leut
Was ich euch kürzlich hie bedeut
Von allen ständen dieser welt/
darin man nu kein recht mer helt/
Sie seint all gfallen ab geschwin
Inndes Teuffels listen hien/
Es helt weder geistlich noch weltlich
ehlich sein standt / weiter vergich/
Die vnderthan lauffen auch mit/
Das ist jezunt der Welte sitt/
Wann





Wann der Apt wüffel legt/gar ball
Spielen die buider vber all/
Zü lest farens züm Teuffelhin/
Vnd kummen inn die hellisch pin
Da ist zeen klaffen vnnnd wainen/
das will ich aber hiemit mainen/
Ein jeden warnen vor seim schaden/
daser bey zeit zür bus thüraben
Dann groß angst vnd not ist vorhandt/
das waiß ich gwiß durch alle landt
Deshalb ich Nolt hard schrey mit macht
vnd mir mein wort gar nit veracht
Dann wie ich gweissagt hab hie vor
als man zalt vierzehen hundert jor/
Acht vnd achtzig merck mich eben/
das wirt war noch alles eben/
Es ist noch nit vber/wie du mainst/
Vnser Gott der haist nit hainst/
Ob er wol verzeücht mit der straff
vnnnd ist dir gar das dultig schaff/
So dients dir wol auff die letz/
das dichts Gericht so gar zerquetz/
Wie schon ettlichen ist geschehen/
Weytter wolt ich wol versehen/
Wann ich hie het die grossen Hansen
die jertz die ganze welt durchransen/
Bapst/ Cardinal/vnd auch Bi/
schoff/
Herrn vnd Fürsten mit frem hoff.

a iij Bapst



Der bapst züm bruder.



S In du doller münch kopfft dir off
(ich maint du hörst in vnsern
hoff)

Auch der Mitnächts geist geschwin/
der aller welt verkert die sinn.

Nolhard

Ihr herren kummen eben recht/
die warheit will euch sagen schlecht/
Hab ewer nun lang zejt gewart/
Jetzt sag ichs euch in ewern bart.

Pabst.

Sage auff/ vnd mach es nit lang
Wir ist gewesen vil zejt bang/

Das





Das machen ihr abtrünnigen büben/
Vnser leer vnd leben auff kluben/
Sagen / es sey alles nit recht /
damit seint wir nu gar verschmecht
Bey herzn vnd Fürsten in Teutsch landt
wir wöllen rechen solliche schandt
Mit trencken / auff hencken vnd brennen
größer marter will ich nit nennen /
Wölln wir noch täglich erdencken /
vnd euch deß sawern weins inschenckz.

Nolhard.



Oheyliger vatter thū gemach/
Rom hat mee erfahren solche sach/
Ihr seindt vor auch gstraffet worden
vmb ewrn schnöden bösen orden.
Zum dritten mal ist Rom zerstört
als ich von ältern hab gehört.
Nachdem man zalt sechshundert jar
vnd sechzig auch gar offenbar
Hat Constans Rom so gar zerzart
das kein palast meer funden wart
Inn Rom / der nit zerbrochen gar.
Nun solt du weiter nemen war.
Darnach als man achthundert zalt
dreissig vnd drei kam mit gewalt
Der Soldan mit einer grossen macht/
S. Peters kircher gar veracht/
Daser darauß macht ein Ross stall/
erschlug der Christen vil on zal/
Vnd treib mit ihnen da sein spott/
das hatten ihr verdient vmb Gott/



Zum dritten kam Keyser Fridrich
der ander / solt fort mercken mich/
Zerstört die statt auch ganz vnd gar
versagt ins Meer den Bapst fürwar .
Hat Gott nun nichts vbersehen
den Vorsarn / so will ich jehen
Er wirts euch freilich auch nit schencken/
vnd ewer vbel wol bedencken
Die ihr begabnt auff diese zeit/
O heylger Bapst es ist noch neüt.

Bapst.

Nun das ist ewer beste bewt
Zu schmeben sein die Christen leut
Dmit habt ihr vns den schaden than
das wir so gar verachtet stahn
Bey Fürsten vnd auch bei den herzen/
wir wölln euch bald ein anders leren .

Nolhard.

Wer stiehlt / ist ein dieb fürwar
das sagt mann ihm frey offenbar/
Wer ewer leer vnnd leben recht
Iz würden zwar gar nit verschmecht .
Ewer leer ist nichts dann menschen
dicht/
Iz seint auch zwar der groß böswicht
Da Paulus von in der andern sagt
Zun Tesselonern im zweyten klagt
Der sun der verderbnuß kompt bald/
vber Gott er sich frechlich halt /

Siz





Sigent im tempel Gottes frech /
die conscienzen Gottes gemech
Zü regiren gewaltiglich
Wie zeitlich auff diesem erdrich.
Dem wirt Jesus Christ mit seinem wort
Tödtten schnelliglich an jedem ort.
Also wirt zergohn ewer reich /
Vnd farn züm Teuffel ewigleich /
Weiter kann ich dir nit sagen /
die schrift magst wol weiter fragen.
Mit der warheyt wirt keiner gschmecht
Er sey dann zwar ein onnütz knecht.
Wilt aber der schrift ihe nit glauben han
so magstu wol zü deines gleichen gahn
Dein alte weissager Nun fragen /
die wirt dir auch nichts güttes sagen
Aber doch war / denck mein darbey /
Versalzt ist dir der habern brey.

Papst.

Vns dencket wol betts nit so hart /
Vns reiben dörfen inn den bart
Als kezerisch vnnnd schmelich wort /
der Teuffel hat euch all verfort.
Darumb will ich Brigittam fragen
die wirt vns freylich bessers sagen.

Papst fragt Brigittam.

Brigit ein Königin außerkorn
Auf Schweden land gar hoch erborn





Ich bitt das du mir sagest hie
 das ich erkenn wann oder wie
 Die heylige statt Rom werd zerstörē
 Zum virden mal als ich hab gehört.

Brigitta

O heylger vatter nun hör mich
 dar von hab viel gewissaget ich
 Wie vber die statt Rom soll gohn
 die vierds zerstörung sagt ich schon/
 Auch vber die ganze Priesterschaft/
 wie sie gestrafft wurd durch Gottes
 krafft/
 Dann viel onkraut bey euch auffgobe/
 darumb es warlich wirt sein not
 Das diser Acker werdt gerüth
 Mit einem eyssen das wol schnit/
 Darnach gereinget wol mit feüre
 Vnd auch mit ochsen yngebeür/



Geackert vnnnd geehret werd/
Bis gereynigt wirt der herd/
Darinn grosses vntraut auffgabt.
Wattbei klarlich gschrieben stabt/
Ihr seindt das saltz deser drichs/
inn wem dasselbig wirt zu nichts/
Der soll abg scheiden sein von leuten
vnnnd auch veracht zu allen zeitten.

Der bapst.

Brigit von Gott allzeit geliebt
Wein hertz bastu mir ganz betribt/
Ich birt du wölst mir sagen an/
Wann doch diß zeyt soll sachen an.

Brigitte

Zeyt vnd stunde hat ihm Gott alleyn
behalten/ vnd machts gar nit gemeyn
Bessern solt ihr: stehts ewer leben/
so würd euch Gott die sünd vergeben.
Vnd nit schicken ein teutschen Keyser
bey dem werdt ihr: stahn gar beyser/
Der euch mit macht durch chehter mer
Dann vor: nie geschehen weer.
Nun weiter kann dir jetzt nit sagen/
Sybillam magst wol weiter fragen.

Der bapst frage Sybila.

Sybilein weyffagin verwar/
Sagst du vns auch von trübsal klar



So gewinnen wir gar kein schantz
 vnd seint vols vff des teußfels schwantz
 Gebunden/ vnd verstricket bart/
 ich boß zü dir einr bessern fart.

Sybilla.

Ich hab zwar langest gesehen
 was onglück der pfaßbeyt gschehen
 Soll inn der aller letsten zeyt/
 wann nu ein stern den andern geyt
 So wirt krieg inn der Pfaßbeyt/
 Bapst/ Bischoff/ vnd Pfaßen gemein
 dann sicht man nit hellen ober ein/
 Ibr jeglicher viel gern were
 der höchst an würdigkeyt vnd ehre.
 Sie gewinnen der leut güte ansich/
 Vnd werden ober all leut rich/
 Lassen sich damit nit benügen/

Sie

Sie nemens wies sich mag fügen/
Herren / stätt / leut vnd auch lande
Wirt ihz eygen alle sandt/
Ihr obermüt vnd auch ihz gwalt
Wirt groß vnd darzū manigfalt/
Ja das sie mit allen dingen
Irs leibs wollust wölln vollbringen /
Schont weder Gott noch welt daran
Nit wölln von jemant straffe han.
So wirt ihz leben offenbar
Allen leuten auff erden klar/
Vnndergert sich jeder darab/
bey Got seint ihz auch gar schabab.
Auch sunst die gemeine priester schaffe
Mit allen lastern ist behaffe /
Rein schandt ist ihz setzunt zū vil
Es sey mit fressen / sauffen / spil/
Hoffart / geztigkeit / obermut
sie ganz vnd gar regiren thut.
Wol Paulus spricht / ihz solt euch üben
die gerechtigkeit auch allzeit lieben/
Einen bildt sein vor der herd/
das man von euch gebessert werd/
So seint ihz schnöder dann der Ley/
das bringt euch sollich böß geschrey
Vntrew vnd geiz steckent ihz voll/
die zeytlich ehz thut euch auch wol.
Beim füllen seint ihz fornen dran /
Nit vil geschickts ihz sachen an/
Alleyn zū hoffart seint ihz bereit/
manch Pfaff setzunt auch kleider trait



Als wann er ein Ruffianer wer/
In kurzen röcklin gabn sie her/
Dunder gabt ein kurze Klinge für
Stöße im schier an die suppen thür/
Vnd binden auß seß wol ein Wan
Mit zehen Nennen wol gethan/
In nidern schuben weit auß geschnitten/
das ist jezunt der Pfaffen sitten/
Sitzten täglich bey Wein züfüllen
Fressen vnd sauffen vbern willen.
Schat solchs wol den Pfaffen an/
des wolt ich gern ein wissens ban/
Ir lernt wol recht / thuns selber nicht
drumb billich euch diß straff geschicht
Vnd Gott verhencknuss ober euch geyt
Zü straffen inn dieser letzten zeyt/
Ir werdet nun verfürzt so gar/
Das vnder ewer Priester schar
Der sibent teyl nit mag bleiben/
sie werden erschlagen vnd vertrieben/
Herr Bapst / es gfall euch oder nit/
Den lohn bringet ewer leben mit.

Der bapst

Seint wir dann jederman so verhaft/
So wölln wir vns versehn desß bapß/
Mit vnsern leuten vnnnd auch lande
das wir erwerben diser schandt.

Sybilla

Gott magst gewiß nit widerstahn /

der





Der laßt ein Keyser setz auffgabn
Auff Teutschlandn recht mich verstandt
wirt mit bringen volck aller handt/
Greulich als Greiffen/das ist recht/
dann wirt der stül zü Rom durchecht/
Der gart des lusts wirt gar zerstört/
Grosßjamer/not wirt dann gehört/
Der baptsich vatter wirt vertriben/
die Priesterschaft mag dan nit bliben/
All ständt wirt er da reformiren/
daran magstu dich ganz wol keren/
Mit dein hauffen bessern ewr leben
Wölt se das ewig reiche erben.

Bapst

Sybill du sagt mir böse mer/
die ich doch warlich nit gern hör/
Aber es ist vast weyber tandt/
wolt Got verhängen solche schandt/
Ober sein Kirch vnnnd geystligkeyt/
es ist noch manchem worden leydt
Der auch also mit vns gefarn/
drumb wölln wir kein arbeyt sparn
Gegenwär schnell auff zübringen/
Vns wirt villeicht so balt gelingen.

Sybilla

Lüg das dich nit lehnst an ror stecken/
vnd mainst damit dir hilff erwecken/
Er zerbrech / dich stech durch dein handt/
damit so wirstu gar geschandt/
Ich



Ich sag dir auff mein weybllich ehr
solchs magst inn schrift erfaren mer
Will nun dir auch nit forter sagen/
doch must diß vnglück alles tragen
Es thu dir gleich wol odder wee/
Kein güt zeit wirst du haben mee/
Bis die Prister schafft gangz reformirt
vnnnd der Tempel Gottes wider gezirt.

Bapst

Ihr seindt all vber einen laist/
Es redt auß euch des Teuffels geysts/
Wönch vnnnd Nunnen schmeben gleich
Alles vnser gaystlich reich/
Das so lang ist gestanden/
Pfsuch auß der grossen schanden.
Ic müßent vns thun ein wideruff
so gwis Gott himel vnderd beschuff.





Hierumb da Nolhard wider ruff/
Was hast vns for geropffer vff/
Wie ich sey der größest bößwicht/
dauon so klar all schrift ver sichte/
Das mustu schnell auff bringen/
Noch sols dir nit so gelingen/
Es muß alles erstuncken sein/
Vnd Paulus der verfolger mein
Muß zwar an diesem orteliegen/
Auch solt ihr nit die scharffen biegen
Wies euch ketzer büben gefelt/
Sie ist alleyn an vns gestellt/
Wir mögen machen was wir wölln/
darin ihr vns geborchen sölln.
Drumb bleib mit der schrift dabinden
Ich will sunst dich lassen schinden/
Wie ich mer büben hab gethon/
das ist darnach dein rechter lohn.
Drumb leg die schrift nit weiter auß
wilt dus kindt sein inn meinem hauß/
Dann ich besoln inn meinem Recht/
So bist du mir ein trewer knecht.
Blan/ wider ruff es ist noch zeit/
Vnd ker dich nit an ander leut.

Bruder

Das soll vnd muß gewislich sein/
darumb wir söchten gar kein pein
Es muß her auß was oben ligt/
Sib wie so eben sichs nu fügt
Auf deinr Liberey dir zesagen



Wies euch inn diesen letzten tagen
Ergahn soll auff dieser erden
das wirt zwar kaum anderst werden
Die S. Peter lang haben kleyde
Seint allezeit vnd stundt bereit
Das wider von ihm zür auben/
Wer will mer dein ablaß glauben?
Was die Teutschen drein haben gleit/
das ist ihn nu gar trewlich leidt/
Auch ander dein schinderey verstahn
dein groß Ert muß sie bald verlahn/
Der Teuffel/ der got auch wolt sein gleich
So thustu sun im selben reich/
Mit liegen vnnnd morden allzeit
Verfürst so vil der frummen leut
Mit dein danth vnd menschen gesatz/
Ja wie die schlang Eue ver schwartz
Das Paradis vnnnd ewig leben/
So thust allzeit dein honig kleben
Inns hertz der onuerstendigen/
da ist im honig giffst/ mem mem/
Menschen leer gibst für Gotts wort dar
des stah die welt inn grosser far/
Vnd muß dein reich schendelich zergahn
Wie zwar nu lang gefangen an/
Ist setzt schon schnell an deiner thür/
des magst dich blan wol sehen für/
Aber wann du thust/ wie allweg
dein vorfarn therten in der pfleg/
So bist Jerusalem vnnnd Herodes/
Ein tyrann vnnnd allwegen böß/
Der

Der mordt die kleinen kindelein/
Das er König blieb allein/
Meynt Christum also vmbzubringen
vnd solt ihm auch gar nit mislingen
Aber Gott richt es anders auß/
Ob schon der gottlos lebt im sauff/
Die einzeit lang ist grün vnd hoch/
Zuletzt felt er zu boden doch.
Jerusalem verfolgt auch vnd schlug todt
der propheten schare/ mit gleicher not
Verfolgten sie auch Christum fron/
Ach Got in deinem höchsten thron/
Zurhalten nur jr zeytlich reich/
Zergieng doch bald so sämerleich/
Wie das geschicht Josephus melt/
vndd Christus ihn vor langst erzelt/
Also wirt es dir auch ergahn/
mit deinem grossen hauffen schon/
Ir morden noch stehts Jesum Christ
der widerumb new geboren ist
Durch sein wort hell vnd klar/
darzu die leut/ auch grosse schar
Gross lust in ihren hertzen tragen/
das wolt ihr nun ihn abe sagen/
Mit bannen brennen vnd morden/
damit es bleib inn ewerim orden/
Menschen leer halte für Gott/
Ja warlich diesen grossen spott
Wag der vatter nimmer leiden/
das ist nu ewr rechte freiden.
Kein stain auff dem andern bleiben



Wirt / darauß ihreuch nit scheiben
Wöcht / sie Gottes zorn ist schon da /
Balt wirt man sprechen ey nu wa /
Ist hinkommen Babylon Rom /
Also nennet sie Petrus schon /
Vnnd ewer gedechtnuß gar auß /
Auch ist schon da der größte strauß /
Selbst werdet ihr oneyns werden /
Leben also inn groß geferden /
Des wirt ewer reich nit bestohn /
Das ist verwar ewer rechter lohn .
Nun hab ich widerruffen schir /
wilt mer : mit warbeyt sag ichs dir .

Bapst

Jr Gottes vnnd Kirchen schender gmeyn
haben wirs dann jetzt gethau alleyn :
Jr bapst doch auch new paffen nun /
die sich des worts Gottes rümen thus /
Haben vns den Kogen zogen /
Nun muß alles sein erlogen /
Von erst was es verbanner güt /
Nu ist es schon inn irer hüt /
Das macht alle jr scheinlich leer /
Kein opffer wölln sie nemmen mer /
Die büben weren sich doch nit /
so man in schenck mit hauffen git /
Ob solchs handt die Apostel thon /
Der jr euch so hoch rümet schon /
Wolt ich auch frey gern lesen von .
Jr hengen vns wol an den rock /

lies /





Lieffen zü gleich umb einen bock/
Drumb wirts euch ketzern auch ergahn
Wie ich wol oft gelesen han/
Auch all mein tag gehört sagen/
All die Kirch durchächret haben/
Vnd die Priesterschaft geschendt/
Hab kein gnummen ein güttes endt/
Als ich dir dann will hie erklern
durch manch schön histori bewern/
Darumb merck eben auff / vnd loß/
Nach dem Antiochus der groß
Inhoffart ward also verblende
vnd den Tempel Salomonis schendt/
Sant im Got durch sein grossen grim
das wuchsen lebent würm auß im.
Heliodoro geschah auch des glich/
da er die Gotts gab nam an sich/
Ward im sein leyb gar wol zerschlagen
Hör mich / weiter will ich nu sagen/
Wie Crassus den gülden balcken nam
drumb er schandlich vñ sein leben kam.
Brenno ein König von Franckreich
Ist gschehen auch desselben glich.
Der Pyrrhus des gleichen auch versanct
Luculo drumb als sein volck ertranct
Als ihm Diana die Göttin seyt.
der gleichen ist gschehen weit vnd breit/
In Teutschlandt wolt ich nennen vil/
Das ich umb kütze lassen will.

Nolhard

c iij



Ob schon das böß laufft allzeit mit ein
Solts Euangeliß drum gschendet sein/
Der feindt sehet böß vnderß güt
wann der bawman in seiner hüt
Sicher schlaffet / vnd fürcht ihm nie /
Judas war auch ein zwölffbort mit
Doch zületst Christum verrieth /
das gschah wol auß der Juden miet /
Gaben ihm darumb seinen lohn /
Noch bleib das Euangeliß stohn /
Vnder muß sich schandlich erbencken
daran solt auch gar wol gedenccken /
Jedem bösen knecht wirt der lohn
der vnderm schein hat böß gethon /
Drum hör auff von deinem schmeben /
vnd will dir sezt die warheyt sehen /
Paffen reformirn ist nit geschmecht
die kirchen / vnd wie du sagst / durch ächt
fürten ir ein Apostolisch leben /
es würd euch wol recht ehr gegeben /
Weil ir aber gotts geyst liegen /
Vnd die ganze welt betriegen /
Sibeda seindt schon fürhanden
Die ewer laster vnd schanden /
Nit mer wölln han inn dieser welt /
Ich habß nun dir schir alls erzelt /
Vnd rath du folgst der lere mein /
So würd man bald züfriden sein
Weyt in der gangen Christenheyt /
Es wirt sunst bald dir werden laidt /
Damit far ich frey von dannen /
Lüg das du nit werdst züschanden.



Papst.

Mit mein heylgkcyt thu ich in ban/
All die mir widerstebet han/
Wills auch dem Keyser zeygen an
der hat vns zwar noch nie verlahn.
Sibe R. Maiesstat ist schon hie/
ach gott was angst vnd grosse müh
Leydt nun die Kirch von dem Tolhard
der vns nu lang angfochten hart
Mit schele vnd kezerisch worten/
Wanns ewr maiesstat selbs horten/
Würds nit wol können vertragen
Sag ich auff mein letstes tagen.

Keyser.

Was hat er euch nu laids gethan/
er ist doch zwar ein geystlich man
vnd wer wol billich mit euch dran.



Ister aber Bruder Rainhard/
 so haters zwar niemants gespart/
 Sonder jedem gesagt das sein/
 Ein collect vns auch gleyet ein/
 Diemuser wider repetirn/
 vnd solt ich auch ein schantz verlin.
 Hetten ihr gefolgt seiner lehr/
 Es wer noch grösser ewer ebr/
 Hat er euch güttes thun weisen/
 Folgten wol dem alten Greisen.
 Blan wir wöllns wider von ihm hōrn/
 Et wirt vns zwar nit balt bedörn.
 Hierumb brüder nit lauff so seer/
 Sagst vns nit auch ein weisler/
 Wie wir ihm balt weislich thetten/
 wanns Römisch Reich wer in nöten
 Das nun lang angefochten ist/
 Kein rü setz hat zū aller frist.



Was



Nolhard.

Was der Keyser an mich begeret
Das soll er sein allzeyt gewert
Sag ihm gar bald auff diesem plan /
der grimmig Lew vnd böse han /
Werden dir gewulich widerstahn.
Doch deinen Gott für augen hab /
So wirt er dir von oben ab
Groß glück vnd heyl auff erd geben /
Auch dein namen groß erheben /
Drei Reich wirst züsamen bringen /
die Gilg in Occident verdringen /
Die Simoney wirst auch vertreiben /
welch doch sicher verhofft zübleiben
Zü Rom inn der heyligen statt /
dieweil sie sunst ver scheuchet blat /
Aber du treibts sie auch da fort /
dann Gott der ist dein höchster hort
Weiter will ich jetzt nit sagen.
Brigit mögt ihr auch wol fragen.

Der bapst

Ich mecht mich billich wol daruon /
Wolt ewr Maiestat hören schon
Des Nolhards schelten vnd schenden
so müßt ich mich züm Hanen wenden.

Keyser

Das wer ein stück der heyligkelt /
Welches man vns nu lang geseht /
Wolhin es stabt auff seine zeit /





Es ist villeicht dahin nit weit/
 Davon soll Brigitta vns sagen/
 die wöllen wir von stundt an fragen.

Der Keyser.

Brigt ein Edle Künigin/
 Tu sag mir auff die trewe din/
 Was dir gott darvon kund hab thau
 das solt du mich hie wissen lan.

Brigitta.

Großmächtiger Fürst hör vnd loß
 verkündt dir ding seint warlich groß/
 Die mir Gott hat geoffenbart
 die Kirch die wirt betrübet hart/
 Wann eins küsschen angichts wirt vff
 stahn
 ein künig/soll der bapst güt acht vff han
 Der wirt die kirch gang reformieren/



Rainhardus thut das auch probiren/
Vil schloß vnd stätt wirt er zerbrechen
an dem grünen Lewen sich auch rechen/
Vnd das verloren widerbringen/
all vngeworsamkeyt auch zwingen.
Noch eins muß ich dir hie sagen/
vil Teutschen werden dann erschlagen
Voneim König auß Franckenrich/
der auff das letst merck eben mich
Von diesem Keyser wirt verdriben/
Allein sein gwalt auff erden bliben/
Füren alleyn das regiment
Von Orient gen Occident.

Der keyser.

Ach aller liebste Brigit mein/
wer mag doch dieser Keyser sein
Eins küschen angsichts mir bedit/
das ihm gott geb ein gütte zeit.

Brigitta.

Dasselb dir nit wol sagen kan
Wie heissen nu soll dieser man/
Doch mirs Eclypsis gibt bericht
er wirt von aller welt vernicht/
Bis das ihn Gott selbs wirt erheben/
vnd ihm den gwalt von oben geben.
Einseder lüg das er der sey/
So wirt ihm Gott selbst wonen bey/
Welf wol reformiern die Kirch/



dann stah zu ihm glaub sicherlich
Als Christen volck mit gwerter handt
so wirt der Türck gar bald geschandt
Auch alles was wider ihn ist/
das sag ich gewis zu dieser frist/
Anderst magst du dem feindt nit wern
das sag ich dir zu grosseneh'n.

Keyser.

Darzu helff ons gotts starcke macht
Tag vnd nacht ich darnach tracht/
Will Gott allzeit gehorsam sin
Setzen mein hoffnung all in ihn/
Der selb mich wol regiren kan/
doch Brigit noch eins sag mir an/
Vnd bscheyd mich hie gar tugentleich
wie lang soll stahn das Römisch reich
Oder obes werd gar abgahn/
dem jeder nu will gwinnen an/
Vnd nimbt nu ab von tag zu tag/
das ist warlich ein grosse klag.

Brigitta.

Keyser das kann ich dir sagen nicht/
Nethodius gibt dir des bericht/
Der darvon schreib vor manchem jar/
wirts dir wol machen offenbar.

Der Keyser frage Nethor
dium.

O heylger Bischoff sag mir an/
wie es dem Römischen reich soll gahn.





Methodius bischoff.

O Keyser hör was ich dir sag/
 da ich schwerlich gefangen lag
 In Nigropont inn Grecia/
 Vnd Diocletianus herrschet da/
 Desselben mals ein Keyser was/
 ward mir klarlich verkündet das
 Durch Gott/der mir ein Engel sandt/
 der gab mir kurzlich den verstand/
 Wie es solt gahn dem Römischen reich/
 der Priesterschaft desselben gleich/
 Auch wie der Türck nemb vberhand
 das macht allein groß sündt vñ schandt
 welchs die Keyser nit gstraffet hant/
 Drum straff die laster bey der zeit/
 dann wirstu bald des Türcken queit.
 Nu handt all reich ein end genummen/

Bißes auff's Römisch reich ist kumen.
Das Hebreisch hat gewert tausent jar/
der Egyptier dretausent fürwar/
Der Babylonier vier tusent gewert/
seint all vom Römischen reich zerstört
Vmb der sünd willen es geschach/
dabey betracht was Gott vermag/
Er kan dem Reich auch also zü/
doch kumpt man bald zü gütter rü/
Wandprierschafft wirt reformiert
der Tempel gottes wider ziert/
Dann wirt gar bald die heyliger den
Züm fünfften mal gewonnen werden
Vom Römischen Keyser wol verstandt
vnd geben in der Christen handt/
Als bey Tito Vespasiano geschach/
vnd Keyser Traclio darnach.
Gotfridus gwans züm dritten mal/
als dieser Keyser auch thun soll/
Wie woler wirt ganz sein veracht/
gleich ein der auß dem schlaff erwacht/
Mit großem grim ziehen dahin/
das globt landt wider nemen in/
All aber glauben da zerstörn/
dasselb dann zehen jar wirt wern.
Darnach so wirt er an der statt
da Christus marter glitten hat/
Sein Kron vnd Zepter opffern Gott/
darnach merck weiter one spott
Wirt kein Keyser mer weiter werden/
dann regiert der Endtchrist vff erden/
der



der doch gar schandlich wirt verderben.

Keiſer

O Methodus du haſt mir gnug geſeyt
deß all mein gmüt ſich hat erfrewt /
Weil ich von dir verſtanden han/
das Römisch reich ſoll nit abgahn.

Zum Volhard der künig
auß Franckreich.

Hierumb Volhard / wzhast mein feindt
geſeyt

das er ſich ſezunder ſo hoch erfrewt /
Ein güte beut haſt gwiß daruon /
ich gib dir auch ein güten lohn /
Kronen ſo viel du wilt han /
wann du mir glück künſt zeygen an /
Wiees ſoll gahn mit meinem reich /
das bſchaide mich gar meiſterleich



Nolhard

Warbeyt verkauff ich nit vmb gelt/
darumb er mir nit viel gezelt/
Es wirt ihm übel gnug ergahn/
Hoff er werd sich jetzt stossen dran.
Solt ich dir dann vmb geltes willn sagen
von seer vast glücklichen tagen/
Das dann fälschlich erlogen wer/
So brecht ich dich inn groß gefet/
Verlist dich drauff vnd bacheft nit/
darauff würd ich verachtet mit/
Wann sprich/mein leer wer erlogen/
Hett damit die Landt betrogen/
Des will ich überhaben sein/
drumb bhalt du dir die kronen dein/
Oder gibs/die dir senffter krawen/
die hand dir wolein scharpffe lawen
Vber gebencke/darumb sib dich für/
groß vnglück ist dir vor der thür.
Brigittam drüber weitter frag/
Werck auch mit fleiß was sie dir sag.

Der künig auß Franck-
reich fragt Brigittam.

So die Künigin sag mir an/
wie es der kron Franckreich soll ergahn
Die setzt lang zeit hat zügenommen/
vil grosser landt auch oberkummen.

Brigitta.



So hörhie auff vnd hab güt acht/
 Von Occident wirt gohn dein macht
 Dem Reich groß schaden züfügen/
 vnd ganz Neapels betriben/
 Das ist im erdtreich der Junckfrawen
 da würstu groß trübsal anschawen/
 Die Gilg wirt da gang nidertretten
 Mit scharppfen dornen außgejetten.
 Darnach die Gilg solt wol verstahn
 Hangen dem grossen Adler an/
 Da durch der Lew groß not leiden muß/
 Schir on allehilff verdriben vß/
 Dadurch er sich dann wirt ergeben
 vnder den Adler merck mich eben.
 Darauff der Bapst güt achtung hab
 das ihm die Gilg nit sey ein stab/
 Auff welche er sein hoffnung setzt
 vnd doch von ihm auff so letzt gelegt.

Die Scorpionisten sich dann regen/
werden auch ein Kron bewegen.
Dann muß sich leiden der stül zu Rom
vnd hüte sich auch der gantz Keinstrom.
Mit mir kann ich dir jezunt sagen
den bruder magst wol weiter fragen.

Der König zum bruder.

Bruder ich bitt nu sag mir an/
Von ältern ich geböret han/
Wie das ein König von Franckreich
der letst werd sein auff erdreich/
Welcher wirt sein einr grossen macht/
Herschen weit mit seinem bracht/
Vnder ihm das gantz Europa haben
von dem König solt du mir sagen.

Nolhard





Eder König du fragst mich reche/
Er wirt sein Caroli geschlecht/
Vnd des geblüts von Franckenrich/
als Augustinus bschaidet mich/
Wirt sein ein Keyser Teutscher landen
als ich dann klärlich hab verstanden
Von allen die ihe gweissaget hende/
von anfang vnd der welt einende/
Darumb ich dich setzunt erman/
Lüg das du nit seyst ein böser han.
Der Römischen Kirchen müßiggang/
balt setzt dem Römischen Reich anhang
Thustu das nit/glaub sicherleich
So wirt dir gnommen Franckereich.

König

Du magst wolein schlechter weissag
sein/
mich kümert nit vast die lere dein/
Die weil ich kronen hab zugeben/
willich noch Franckreich wol beheben.

Nolhard

Aller heerscharen Hauptman
kann dich balt treiben ferz hindan/
Wider dich hezen auff grünen plan
die dein müß vnd brot im büsen han
Nu lang dein landt schon auß erfaren
für den magst dich nit lang bewa-
ren.

Der König

Ich schiß noch stehts mit Kronen gschos/
darab erschrickt kein Wartis gnos/
Sie seindt nit alle wider mich/
die nunlangest thun rüsten sich.

Nolhard

Der Adler kumpt dir inn die Gilg/
Nab acht das er dich nit vertilg.

Künig

Ein vertrag kann ich nemen an
Zuletzt/ vnd gar noch wol bestahn.

Nolhard

Ja wann arm leut gnug sein gemacht
So ist eins jeden kib vollbracht/
Also hat dann der krieg ein endt/
vnd ist gar landt vnd leut geschende
Des soll dann der arm man lachen/
vnd euch darzü dörr streublin bachen
Thuts güt die leng will ichs gern sehen.
Was wöllnn diß güte herzen sehen.

Bischoff von Wetz.

O aller liebster Brüder mein/
Sag mir wie wirt es gohn am Rein
Der Priesterschaft/ merck mich bie
recht/
Sollen sie werden auch durchecht.

Nolh



Nolhard

Ihr sollten heylig Bischoff sein /
 So tragt ihr alle falschen schein /
 drum stahets nit wol am flusß des Rhein.
 Ewz herligkeyt wirt euch genomen
 auß falschem won ist es vff euch kommen
 Paulus sagt nit von solchem bracht
 den ihr auff euch nu habt erdacht /
 Erhalten setz lang zeit mit gwalt /
 Gots wort bey euch ist gar erkalt.

Bischoff von Wentz.

Ey wir haben von vnser weggen
 Ander bestelt die solches pflegen.

Bruder

Das werd ihr wol werden innen.

wann ihr schaiden müßt von binnen.
Tu Petre waide / stabt geschrieben /
so habt ihr andre umbgetrieben /
Die solten ewer sach versehen /
Noch gabn die schößlin umbher bleben
Vnd ist kains auff der rechten weyd
da Christus inn der schrift von seyt.
Ihr soltens personlich selbs versehen /
dann künnte Christus warlich jehen /
Jezt seich das ihr lieben mich /
Weil ihr mein schößlin fleissiglich
Waiden / ein saltzlin auffs brot geben /
das frist sie wol inns ewig leben /
Aber wie solchs geschehen ist /
das sihet man wol zü dieser frist /
Die schaff gabnt jrz auff weiter haid
da nichts grüns ist nur dürre waid
Was labung können sie da han /
mögt ihr bey euch wol selbst verstaht.
Wann nit kumpt ewer rent vnd gült /
nit stähts ewr kist vnd keller füllt
Mit scharzüg / auch schinden vnd schaben
balt bringt jr auff die Reuter Knaben
Wüssen die bawrn in Schaffstal treiben
wa will nu hie der Bischoff bleiben /
Da Pauls von schreibt in seiner leer /
darinn findt ihr gar ander meer /
Nit so ein binzen but auff haben /
Nit so tyrannisch inber traben.
Item sagt Christus zü den seinen /
Zü füsse reiten will ich mainen /

Vnd

Vnd sagen/Pax sey diesem hauss/
So treibt ihr diewe selbst heraus/
Drumb ist nu hie groß hertzen leydt/
dauon man euch lang hat geseyt.

Bischoff

Brüder thu gemacht/wirff nit umb/
stelt dich auch wol nit gar so krum
Paulus gabt vns inn dem nit an/
wir sollen landt vnd leute han.
Constantin hats der kirchen geben
daruon zürhalten vnser leben/
Nit von hauss zü hauss betlen gahn
wie die Apostel han gethan.

Nolhard

So sagt Christus recht/Nescio vos/
Ihr reit zümal gar hobe roß/
Derin vnd Fürsten hant landt vnd leut/
die seint allzeit der selben bewt.
Ihr nit also / verstah mich recht/
der gröst der sey der andern knecht.
Hett Constantin ewer leben
gwißt/er hett euch nütze geben/
Weynt/es würde vileicht zügahn
wie Laurentius hat gethan/
Der gab umb Gottes willen gschwin
der kirchen güte den armen hin.
So seint ihr bettler gar reich worden/
vnd ist am Reim der grösserst orden/
Das wölt ihr han mit ewerim recht/

schickt

der schöpffer vnd erlöser fron
Aller menschen auff erden ist/
ich wais euch nu kein lenger frist.

Bischoff von Mentz.

So wist ichs auch schon balt mit dir
wann ich dich hett vmb mein refir.

Nolhard

Du hast vil frummen mer gethan/
des wirst dein lohn von got drum ban
Von dieser erdt zur hellen gahn/
wann du daruon nit wilt abstahn.
Vnd bischoff von Cöln was sagst dazü/
mit sawer sehen kompst nit zü ru.

Von Cöln bischof.

Ja Bruder dein red all ist war/
wir stahnt für war in grosser gar/
Noch will keiner der erste sein
Zü reformirn die Pfaffen sein/
Ein jeder fürcht vast seiner hut/
dazü ebr / rent / güldt vnd tribut/
Der Bapst thut vns gar all inn ban/
wer wolt von ihm balt abe stahn/
Verrüffet vns für ketzer auß/
auch irit noch eins inn diesem strauß/
Die Bischoffs her in parteyisch sein /
behent werffen ein hader drein/
Einer wehlt diß der ander das/
Vnd seint zertrennt on alle maß.





Siewölln mit argem haben recht/
 versagen drumb manch armen knecht/
 Das wirt ja thun die leng kein güt
 gewis dunckts mich in meinem müt
 Got wirt es mit vns schir auß machen
 Als mich ansehen all diese sachen.
 Blan / ich bekenn vnnnd ist mir laidt /
 Zü wider kern binn ich bereit /
 Darinn Brüder dein rath gib mir /
 Inn aller lerich folgen dir.

Nolhard

Gott ist mil / vnnnd vergibt behendt/
 wann einr nur recht sein sünd bekennet.
 Far fort vnd laß dich nit erschrecken/
 wie grausams halten in der hecken /
 Ein ruschent blat bats balt er schreckt
 das Gott vom beumlin abber weckt.

Bischof von Cöln.

Durch Got bleib auff der rechten ban
 vnd solt ich drob zü scheitern gabn/
 Ein ander mag thun was er will/
 Es ist hoch zeit / vnd ist mein zil/
 Mich schicken in ein bessern standt/
 der geystlich standt ist gar vol schandt/
 Drum sag mir her lieber bruder mein
 wie soll ich ein rechter Bischoff sein.

Nolhard

Inn Gotts namen heb ich es an /

der





der erst solts auff der wachte stahn/
Dann bischoff haist ein wechter schon
darumb hastu von Gott den lohn.
Weil nu bei nacht geschicht die wacht
so legst wolhin auß golt gemacht
Den hüt / Chor kap vnd gülden stab /
nu horch wie es ein mainung hab /
Thets an ein stelen harnisch schon
wie du ihn findest geschmidet stohn
Inn Paulo / Ephes sexto vernimb /
dein lenden seint auff gürtet gschwinn
Mit der warheyt / vnd zibe balt an
das gerechtigkeit panzer also schan /
Des glaubens tart sch nimb auch zü dir
Allfrewig pfeil auslechet schir
Die auff dich von feinden abgahn /
du solt auch auff dein haupteban
Die sturmhaub des heyls gar eben /
das scharpff schwert solt starck beheben
Inn dein händen / vnd schüch anban /
nu wölln wir hin züm danze gahn /
Fechten mit dem schwert / das istß wort
wie das dir Christ besolen hot /
All dein Pfar kirchen durchschawen
mit dem Gotts wort darinn hawen /
Mit wercker darinn bestellen
nach Gortis vnd Christi wöllen /
Wie Paul Timotheum solchs lern /
Es ist schon hie die zeit der erndt /
Drumb far hin vnd machs nit lang /
am Gortes wort fort an behang /



Setz auff man die onsträflich sein/
Ein weyb inn ehren zigen sein/
Nüchtern/weiß/züchtig vnd gast frey/
geschickt zü lern/nit weinsüffig sey/
Wessig/nit zänckisch noch geizig/
sein ganzes hauß zig er willig/
Inn aller reinigkeyt zü Gott/
acht nit obs sey der menschen spott/
Die draussen sein gabnt dich nit an/
Far du nur fort auff Christi ban/
Der hat dir gnug Schöflingeben/
Bhalts ihm nur inns ewig leben.
So kanst ein rechter Bischoff sein/
des gleichen auch diacon dein/
Vnd wans die gsunde leer nit halten/
So magstu sie wol weiter schalten/
Dann für dem Wolff sie nit bestahn/
Vnd ihm die Schäflin zucken lan/
Des must du Gottrechnung geben
vmb der Schäflin zeitlich leben/
Vund auch vmb die onszorge dein/
Lüg auff/ das laß dir gsaget sein.
Weyter die Bibel oberles/
der halt dich nach/vnd gar gemess/
Dann wirst ein licht der welt bekant/
so hat Christus die sein genannt/
Apostel vnd Bischoff fürwar/
die leuchten vnderm volck so klar
Mit glauben vnd herzlicher frucht/
dann lobt fürwar ewz Christlich zucht/
Balt alles volck auff dieser erden/



sagen / wir wölln auch besser werden
Dann bist ein ebenbildt der herd /
wie Petrus das in schriftt bewerd /
Vnd Christus auch von dir will han /
ob dich die welt schon schnarzet an /
Dem ertzhirt hats auch also gethon /
Jerusalem ward der lohn darvon /
Ker dich nit dran / Christ ist der helt
der allengwalt zür erden sellt /
Das hast züm teyl auch wolerfarn /
Gots geyst der wöll dich fort bewarn.

Von Cöln bischof.

Nu danck dir Gott deins trewentath
dazü mir Christ auch send seingnad /
Ich kump dem trewlich also nach
wie groß auch sey der welte schmach.
Die zeitlich ubel / dort ewig wol /
Ein jeder das recht bedencken sol /
Das nit auß freud werd ewig laidt /
man hats vns zwar nu langst geseht.
Vnd Christus spricht / nu seyt gemaidt
Inn freud verkert wirt ewer laidt /
Die kann niemants von euch nemen /
wer wolt sich vor der welte schemen.
Ich binn bey euch bis zü endt der welt /
So seindt auch all ewer har gezelt.
Es mag auch kein spatz gfangen werden
vom Vogler hie auff dieser erden
Es sey dann des Gottes vatters will /



Fleisch reg dich nit vnd halt ihm still/
Wer da siegt oberkompt die kron
Zuletzt inn ewiger freuden thron/
Drumb helff mir trewlich bitten Gott
das er vns helff auß aller not.

Nolhard

Das thu ich allzeit/ behüt dich Gott/
vollstreck was er anfangen hot
Inn dir mit seim heyligen geyst/
darumb so bitten allermeyst.

Bischoff von Cöln.

Amen/ amen das werde war/
ich mach mich zü der schöflin schar
Will all Pfar kirchen visitirn/
vnd die Pfaffen reformiern.

Pfalzgraff.

Herz von Cöln wa hin so geschwin/
was ist euch kummen inn ewz sinn.

Bischoff von .C.



Der Nolhard hat mich gwaschen auß/
das ich nu sorgen muß gen hauß/
Ich wolt auff mein zoll sein geritten
so fürter mich zür heisse schmitten
Da mein Ross all vier brochen ab/
das ich nun jetzt zü füsse trab.
Habt jr lust möcht auch kromen zwar
wirt euch wol büffen ewer har.

Wit

Mit camillen seuberlich zwagen/
euch schon die warheit rausser sagen.

Wfaltzgraf zum Nol- hard.

Wolher Nolhard thu bscheiden mich/
wie es wirt gohn im Römischen rich/
Den Fürsten/ solt mich mercken eben
ymb die man doch gangz nüt will geben/
Kein ghorfamteyt will sezt mer sein/
darumb liebster brüder mein
Bitt dich gib mir hie dein verstandt/
damit mein armen leut vnd lande
Nit gshedigt werden wie hie vor/
dasselb mach mir hie offenbor.

Nolhard





O edler Pfalzgraff bey dem Rhein/
 vnnnd ihr Churfürsten all gemain/
 Ich bitt euch wöllet eynig sein/
 vnd sehent auch gar fleissig drein/
 Das sich das reich so nit zertrenn/
 Es ist sunst bald ewr letstes end.
 Züsamen stahn gehört euch zü/
 vnnnd machen durch all lande rüw
 Mit hilff Keyserlich Maiestat/
 das wer fürwar der bester ath/
 So kem ghor.samkheytt berwider/
 Vnnnd wernnd vnderthanen bider/
 Geben billich was sie solten/
 vnnnd mer dann ihr haben wolten.
 Das nun jeder onwillig ist/
 dasselb fürwar an euch gebrist.
 Es sey nur nit wie Esas sagt/
 vnd im sibenden sich hart beklagt/
 Die Fürsten seint rasent von wein/
 Wie wölln die vnderthanen sein?
 Wie fürst also auch vnderthan/
 was will Gott dran gefallen han.
 Ewers gfinds art sauffen vnd fressen
 so hat sie auch der teuffel bessen
 Mit so vil vnerbortem schweren/
 das hören will ewr keiner weren.
 Wölt dannocht Christlich Fürsten sein/
 Got nimbt nit an den falschen schein/
 Darumb thunt anders zü der sach/
 Es ist vorhanß groß vngemach/
 Dem mögent jr noch wol entgahn/
 wann





wann jr Gots warnung nemen an
Die jetzt schon lang auff der ban ist/
mancher an nam bey güter frist/
Bessern die ständ vnd ewer leben/
dann wirt euch Gott hie fride geben
Darzū gehorsam vnderthan/
was wölt jr mer auff erden han/
Ein gehorsam den andern bringe/
darumb so manchem herzn gelinge
Das er hat vnderthanen sein
dweiler bekent den Christum/ sein
Herzen im himmelischen thron/
des wirt er allweg faren schon/
Nie zeitlich vnd dort ewig wol/
dann sitzt er erst züm rechten wol/
Da Christ inn der schrift von sagt/
Ey frisch her/ seyt nit verzagt/
Ewig ist güt im himel sein/
ewig ist böß des teuffels schein/
Drumb lugt was ihr zü schaffen hon
Ein jedes hat sein werden lon.

Waltzgraff.

Ich ging schir auch betrübt darvon/
wie der bischoff von Cöln gethon/
Wilt pret im himel seindt wir gwis/
wie das nu lang die sage ist/
Sih wolein anders ist vorhanß/
Nu werff vns doch ein besser schanz/
Dmit wir vnser leben gewinnen/
vund dem teuffel nu entrinnen.

Nolhard

Kein sprichwort nie vergebens ward
Ja wol ihr lieben herren zart /
Darumb ihr Fürsten Teutsches lande
Ich will euch allzeit han ermant
Das jr von aller hoffart lassen /
vnd all tyranny euch massen /
Nit drei oder vier aufflegen
schatzung / die man so gschwin muß ge/
Das kein der ander weichen kan / (ben
ist das beschirmt den armen man :
Schinn vnd schirmen nit ein ding ist /
das wißt jr wol zu aller frist /
Schirme spricht Got dein vnderthan
darnach mögt jr wol hoffe han /
Das ihr bedörffet keiner schab /
so bleibt der arm bey seiner hab /
Kann gehn / wann jr in not bedörfft /
sunst hat er nichts so stehts jr röpff
Ein Schuldheiß hie der ander dort /
das schafft zuletzt gar grosse not .
Ihr seint des wol worden innen /
noch will man stetß die bawre schiñen
Das geschicht so auff selzam weiß
daran nie dacht ich alter Greiß .
Ich rath jr list bey zeyt darvon /
Es wirt fürwar die leng nit stohn /
Vnd nement den sun Gottes an
wie jr im Psalter geschriben han
Inn Mose vnd allen Prophten /



Lobhülff euch zwar auß allen nöten
Das new Testament jertz so klar/
welchs Christi leer so offenbar
Nulanzzeit hat an tag gebracht/
vnd leucht gar weit in aller macht/
Das /sag ich /nembt hertzlichen an/
darinn findt jr geschriebenes stahn/
Wie jeder soll Christlich leben/
dann möcht euch got sein gnade geben
Eintrechtig gar im Reich zü sein/
nembeuch der Türck kein landt mer ein
Wa nit / so hör was Merlinus seyt
das durch der Fürsten oneinigkeyt
Rome der Türck bis an den Rin
Zü einer statt heist Agrippin/
Auff vnser sprach ist Cöln genant/
doch sol den da auß Spanger landt
Ein König zü todt erschlagen/
euch nit mer kann jezunt sagen/
Wer oren hat bey zeyt der hör/
es ist noch auff des Breutgams thör/
Wer die ver saumt muß daussen stohn/
ewig den spott züm schaden hon/
A de ihr her mich far daruon.

Der pfaltzgraff.

Bruder Gott danck dir deiner ler/
Nit mer ich jertz von dir beger.
Ich main wir haben auch gebat/
an der Pfanen er nichts kleben lat.

Sachß

Wett mann lengst gefolgt vnserm Christ/
der vnser aller mitler ist /
So stünd es besser inn der welt/
aber wer ist dems noch gefelzt/
Ihr berin ziehen all hinder sich/
darumb verderben alle rich/
Keiner maint desselben schult sey/
ich sage euch zü ist nah darbey
Das wir gern wolten besser thun/
vnd Christj wort blan hören nun/
So wirt der tag vns nit gegeben/
Solchs handt verdient mit vnserm
leben.
Drumb lugt was jeder zschaffen hab/
Zü meinem vöcklin ich beim trab.
Ein veste burck bist Jesu Christ/
Ob schon die welt voll teuffel ist /
der du doch aller meister bist /
Behalt mich starck auff deiner ban /
daruon wölst mich nit wencken lan /
Bis ich erleyd den bitteren rodt /
dann hilff meinr armen seeln auß not /
Auß dem elenden jamer tal
Zü dir inn deinen reichen sal /
Das hast mir gwislich zü geseht /
dir sey ehr / lob inn ewigkhey.

Nolhard

24

Ach Gott in deinem höchsten thron
wann muß ich doch ein mal darvon
Aus dem elenden jamertal/
da nit inn ist dann not vnd qual/
Vnd noch vilmer zükünfftig ist
wer wolt nu mer zü dieser frist
Lust haben lenger hie zü leben/
es will sich erst der dange heben.
Jeder dein wort zü wider ist/
darauff ist aller mord gerüft/
Ehe sie das wöllen nemen an/
sie wölln ehe landt vnd leut verlan.
Züm teyl handt sies gnummen an/
will doch im hertzen nit bestahn/
Hertzlich frumkheytt will nit her auß
Noch bharren sie in diesem strauß/
Wöllns ihn nit wider nemen lan/
vnd soltens drüber zscheitern gan/
Den geb genad zü deiner ehr/
ihm glauben du doch stetigs mer/
Das inn gedult alles erleiden/
vnd doch allghorsam nit vermeiden
Die man schuldig ist durch Gott/
nit wider Gott vnd Gott zü spott/
Der Obergkheytt nu helff mir bal/
(Es ist die not schon vber all)
Auch weit dem kleinen heuslin dein/
du waist wol wer die selben sein/
Damit keine sag/wa nu dein Gott/
das wer fürwar dir Gott ein spott/
Auff den dich lang verlassen hast/

die feindt hastu gar balt erbaß.
Ein rüth bey dir nit lenger werdt/
dann biß das hauß ist außgekert/
So brichst vnd wirffts inns feu: behend/
dann seint balt all dein feindt geschent/
Ist weder stumpff noch stiel mer da/
wie Pharo im rothen meer gescha.
Amen/ amen das werd balt war/
vnd helff vns inn der engel schar.

Der Venediger her.

Was bitstu Nolhard rach von Got/
das vns doch Gott verbotten hott/
Wilt deinen schuldnern nit vergeben
so magst nit gahn inns ewig leben.

Nolhard





Sib / grimmer Löw bist du auch da /
was wir ffst mir für / wie wann vnd wa
Ich rüff zu meinem gott inn not /
sein will geschicht ja frü vnd spat.
Wann du nit thust den willen sein
er solt dir zwar nit schencken ein?
Feyer / schwefel / verzweiflung strick
das ist der lobn deins bösen dück /
So stah im Psalter oft geschriben /
vndd ist nie keinem außgebliben /
Dann gott ist gerecht vnd allweg güt /
ja dem er stehts sein willen thut.
Wilt nu nit vols zu schanden werden
ein wirbel sein auff dieser erden /
Auch wie ein stopffel vor dem windt
dann wie das feur ein walt anzint /
Auch wie ein flam die berg an steckt /
so ist Gotts zorn schon außgereckt /
Ber halt von deinen sünden ab /
blandenck das ich dich gwarnet hab.

Venediger.

Bruder / thust vns allen vast treuwen /
sagst mir viel vom grimmen lewen
Wir hant vns wol müssen weren /
damit S. Marx bey seinen ehren
Blieb / noch ist vnser landt geschendt
Zerschleyfft / zerissen vnd verbrent /
Vnd so vil weysen / witwen gmacht /
solten wir nit mit gleicher macht
Vergolten han vnser widerpart /





Es steck vns jetzt wol noch so hart /
Des seint wir als nu vberhaben /
wie wol noch stetigs umbher traben
Die vns gern wolten brechen ab
So seints zü schwach an ihrer hab /
Ir macht ist auch gar vil zü klein /
Mit Bapst wir han ein bündtnuß
gmeyn /
Der han ist auch auff vnser seit
So seint wir vnser feinden queit.

Nolhard



Ja wie im Augst ein hundert der flew /
du wirst noch innen grösser wee.
Verbündtnuß hin / verbündtnuß her
Ich sag dir jetzt vil ander mer.
Der Fürst so wider euch wirt sein
der acht gar nichts der helffer dein /
Jesus Christus ist er genant /
den hant ir nu lang zeit geschandt /
Dem Antichrist gebangen an /
vnd mit dem Türck in bündtnuß glan /
Den Christen glaub dardurch veracht /
das ihr nur bleibt bey ewer macht /
Lebent inn aller tippigkhey /
wie Paulus langst von euch geseyt
Ander welsch gattung las ich bleiben
darzū die schandt der schöne weiben /
Kurtz / kein büberey ist euch zūuil /
solchs Gott die leng nit leiden will /
Drumb ewer hilff rorstecken gleich /
wirt

Wirt euch nit belffen sicherleich/
Gott sendt sein Engel bey der nacht/
der schlecht balt todt all ewer macht
So thut er Sennacherib zwar /
als der betriegt die Gottes schar
Jerusalem maint zügwinnen/
solchs warder des nachts wol innen/
Am morgen all sein volck war todt/
Von dannen flob inn solcher not
Gen Ninive zü sein abgott/
da war vorhan sein ander rott/
Adramelech vnnnd Sarasar/
Sennacheribs zwen sine zwar/
Schlügen ihn balt im tempel todt
deser sich nit versehen hot.
Wer solt ihm billcher geholffen han/
doch richtets Gott nun anderst an.
So thut er noch zü aller stund/
das ihr auch wol vernommen hont.
Wie oft seint ihr vom Man betrogen/
wie oft hat euch der Papsst gelogen
Solchs mag euch noch geschehen mer/
weil jr nit folgen Gottes ler/
Seint ein stinckent lach aller sünd/
nu ich dir das zür leg verkünd/
Weild Sodom vnnnd Gomorrha bist
gleich/
so weret nit lang dein zeitlichs reich
Nie vnd must dort ewiglich brennen
das hast von deinem Gottes schenden.
Solchs magst dein herzn wol sagen an

Sunst wert den spott züm schaden han
so ihr nit wölt euch keren dran.

Venediger.

Ich bedanck mich der warnung dein
Laf mirs auch wol befolen sein/
Wills mein herzn wol als erzeln/
sie wern villeicht das best dnuß weln
Damit wir nit also verderben/
Zülest auch müßen ewig sterben.

Türck.

Sib Venediger herz weß umb/
Wie sehen ihr nun also krumb/
Dat euch semants zü leydt gethan/
das mögt ihr mich wol wissen lan/
Gewisse straffen mußer han.

Venediger.

Es ist vns zwar noch nichts geschehen
der Tolhard macht mich traurig sehen
Wans vns so solt gahn mit vnserm landt/
wir wern zülest wol gar geschandt/
Alle freund sollen vns verlassen/
das kümert mich ob alle massen/
Solchs wirt thun der herz Jesus Christ
der nu durchs landt gepredigt ist.

Türck.

Machomet hat vns nie verlou/
der ist fürwar der Gottis son/

Dat



Hat vns so viellandt inngeben/
noch mag vns niemants wider streben
Drumb ker dich anden Volhard nit
Ir habt doch zwar noch gütten frid.
Er hat noch wol mer erlogen/
auch villandt vnd leut betrogen
Mit seim Propheceyen sagen/
Frisch auff vnd wöllet nit verzagen/
Ich euch noch woler retten kan
mit manchem starcken Türcksche man
Drumb laßt euch sein nit also bang/
weil ihr doch leyden keinen zwang.
Auch will ich die sach recht erfarn
am Volhard / das ich euch bewarn
Wög dester bas / glaub warlich mir
was ich thu setz verheissen dir.

Venediger.

Ihr seindt all vnser züuersicht/
wie wir züsamen seint verpflicht/
Gen Venedig ist mir nun sach/
was jr erfarn das schreibt hernach.

Türck zum Volhard.

Brüder du treibst ein grossen thant
von Fürsten vnd herzn ist ein schandt
Eim sagstu diß dem andern jensß
ich maint du haltest vns für gänß/
Gern wolt ich hören hie von dir
was du doch kündrest sagen mir.

Bruder

Herr Gott behüt/ wer frage mich nu
wann kump ich doch ein mal zu rü/
Was wiltu feindt der Christenheyt:
Methodius vil von dir seyt/
Den magst du da sezunt fragen/
der wirt dirs wol höflich sagen.

Der Türck frage den Methodium.

Methodi nun sage mir an/
wann ich von dir vil għöret han/
Wie es werd stahn vmb die Türckey/
darvon vil sagt dein prophecey.

Methodius

Das thun ich dir gar bald hie künde/
du bist warlich der Hellsich bundt/





Von dem ich vorlang hab gesezt/
welcher die ganze Christenheyt
Mit mancher plag wirt betrüben ser
von Egypten landt bis inn das mer/
Welches ist Ponticum genant/
vnd stoffet bis an Teutsche landt.
Darvon Johannes schreibt gar klar
groß gebainnuß/ ist nu offenbar/
Wie er hab gsehen auß dem möz
ein bestia gohn/ dar uon nu hör:/
Mit sieben hauptern sicherlich/
vnd zehen hörner auch desß glich.
Bey der bestia die außthet gahn/
solt Nachometum wol versthahn/
Der durch sein leer vnd vñisch leben/
das er den menschen da thet geben/
Als in dem Alcoran stabt geschriben/
vom ehebruch vnd viel der wieben/
Vil leut vom Christen glauben gfürt
vnd noch setz täglich wirt gespürt.

Türck

Was sagstu mir vom Alcoran/
welche büch ich gar als heyltumb han/
Dann Nachomet hat es vns geben/
weiler noch was bey seinem leben/
Den du ein bestia hie thust nennen/
welchen man weit vnd braut thut
kennen/
Er bsitzet auch setz desß himels thron/
b iij



Noch wolt ich gern von dir verstoßn/
Was die sieben köpff bedeuten dir/
die zehen hörner sag auch mir.

Methodius.

Die sieben häupter merck mich
Bedeutен sieben künigrich
Die er wirt bringen zü sein glauben/
die Christlich kirch darinn berauben.
Bey den zehnhörnern wol verstandt
Bedeutен zehen grosser landt/
Die all ihm werden hangen an/
vnd balt den Christen glauben lan/
Das ist jezunt als sampt geschehen/
als wir es dann handt wol gesehen.

Dürck.

O lieber Bischoff das ist nüt/
ich hab gwunnen inn kurzer zeyt
Zwey Keyserthumb solt mercken mich
auch zwölff mechtig künigrich/
Vnnd achtzig stätt vnd grosselant/
wie wol ihr Christen gar dick handt
Dasselbig wollen wider rechen/
die doch wenig halff ihr fechten.
Keyser Sigmund hats dick vnderstan/
den/
der weichen must mit grossen schanden
Matthiasco vnderstunds auch des glich
vnn darnach Keyser Friderich.
Der kam nit weiter dann Ancon/
da er must lassen auch daruon.





Darumb so laß von deinem bracht/
deint weissag ich gar wenig acht.
Es ist jetz mer dann tausent jar
das du solchs machtest offen bar/
Sagtest allzeit von deinem Gott/
der dich doch wenig gholffen hot
Somir Nachmet thut groß beystande
dardurch ich gwinne vil leut vnd lande
Allzeit die Christenhait durchecht
darumb dein glaub ist nit gerecht/
Dannwer Christ Got/ als gibst verstant
Er ließ warlich nit so zergahn
Die Christenheyt solt glauben mir
darumb ich halt nit vil von dir
Du sagst mir dann das ich erkenn
wand Türckey haben werdein end/
das sag mir hie vnd machs behend.

Methodius

Gott gibt durch Mosen züerstohn/
wie dir zülest auch werd der lohn/
Da er zün Israelitern spricht/
wist Gott hat euch dest lieber nicht
Das ihr seint gfürt ind heylig erd/
sunder alleyn das gstraffet werd
Die inn dem erdtrich wonend sind
vmb ihr groß misserhat vnd sünd.
Also mag ich jetzunt auch sehen
ist mit euch Türcken auch geschehen
Die lange zeyt besessen handt
die heylig erd vnnnd Christen lande.

Weis



Weiter nun nimb von mir bericht/
ich sag dir jetzt ein wunder geschicht/
Von Creso dem König so groß/
der standt zü letst im glück vast bloß
Als ihn Cyrus hett gefangen/
nach Solon stundt sein groß verlangen
Aber auff sein fener grab standt
gedacht er an die grosse schandt
Das er Solons wort ganz verlacht
als der ihm sein reichthumb veracht.
Vnd nun schon aber worden war
das hie kein mensch sich selig zwar
Soll schetzen vor sein letsten ende
O Solon/wie binn ich geschendt/
O Solon hett ich deinem rath
gefolgt/ o Solon es ist zü spat/
So wer ich nit inn dieser not/
da jeder mein zü spotten hot.
Dar an gedencck nun jeder man
will er den spott züm schad nit han
Selig ist keiner vor sein ende/
also hat mich das glück geschendt.
Dieser was wol so stoltz als du/
Noch kam er zletst inn solch onrüt
Ab seinem landt vnd leut gefangen/
Noch wer es ihm vil vbler gangen/
Hett nit erwaicht das wort/Solon/
den König Cyrum also schon/
Als Cresus Cyro sagt die wort/
Wie ers vom Solon hett gehort/
Frisset er ihm bald sein leben

wer weiß des glückes vmbher schwe-
ben /

Vileicht geschwin heut oder morgen/
das ich auch stah inn gleichen sorgen.
Wie wans dir auch so ging nu balt/
du bist ihm zwar noch nit zü alt.
Darumb darffst dichs auch nit erheben
der lohn wirt dir auffß letst gegeben.
Armenia / Cilicia / Mysauria /
Aphrica / Grecia / Sicilia /
Vnd auch darzü allander landt /
die ihr bißher besessen handt /
Wern wir mit Gots hilff nemen ein /
dann wirt güt frid auff erden sein.

Dürck

Du hast hie trieben ein lang gefert
noch hab ich nit von dir gehört
Wann doch diß zeit soll saben an
das kan ich nit von dir verstahn.

Methodius

Das will ich dir balt han geseyt /
So balt die gantze Christenheyt
Wirt inn güttem friden stahn /
den Keyser vor augen han /
Vnd die Kirch wirt reformiert /
der Tempel Gottes wider ziert /
Da solt du gar güt acht auff han /
so wirt es an euch Türcken gahn.



Dürck

So han ich warlich noch lang frist/
Fürwar ein schlechter weiffag bist/
Ihr hüben ehe selbst ettwas an/
dest bas nun ich mich rüsten kan/
Euch vnd ewern Gott vertreiben/
Kein unglück möcht jr nu ver scheiben.

Methodius.

Sennacherib thert auch also/
Zuletzt da wardes Nordiso.

Eydgnoß

Sib da / was thüt der Türck allhie/
der vns alln macht so grosse mü/
Derr / was willer nun siben an/
Dat er euch ettwas leydts gethan.

Methodius.

Ich hab ihm gsagt von seinem reich/
Wie es nit stahn werd ewigleich/
So gfelts ihm nit / fert bald daruon/
Will vns noch weiter leydt anthon.

Eydgnoß.

So müssen wir vns auch ver sehn/
Ob wir ihm möchten wider stehn.
Vndd weil jr seyt ein weyser man
wolt ich von euch ein wissens han/
Wie es werd gahn mit vnserm landt /
frisch



Frish her/ vnnnd mach mirs bald bekannt

Methodius

Da frag den Brüder Tolhard vmb/
der sagt dir bald inn kurzer sum
Wie er den andern auch gethan/
Er ist fürwar ein weyser man .

Der eydgnoß

Brüder ich hab viel selzam wort
Ein lange zeyt von dir gehort/
Die diesen allen hast thun sagen/
auch dich gar hefftig hören klagen
Ober die sünd jezgt dieser welt/
Wie die selb Gott größlich mißfelt/
Dumb manch landt vnnnd statt wirt zer/
gohn
das alles haß gweiffaget schon .





Dem Papst hast gar wol außgeleyt
dem Keyser eygentlich geseyt/
frantreich darzu auch Lombardj
vnd wies ergabn soll der Türcki/
Vnd auch den Fürsten in dem Reich/
gar kaum so mager beiten ich/
Bis das ich hie von dir verstandt
wies es soll gabn dem Schweitzer landt.
Von dem bis her hast nüt geseyt/
das vmb sich griffen hat weit breyt.
Handt auch regirt jetzt manche Jar.
Mit grosser einigkheytt fürwar/
Des sie all welt darumb entsaß/
auch vnder ihn kein ontrew was/
Brüderlich trew wont ihn stets bey/
Von allen herzen warens frey/
Wann durch ontrew sint sie entstanden
diemandann treib in ibren landen
Durch die Obergkheytt/ merck mich eben:
Thet sich ein solcher bundt erheben/
Durch welchen dann vertriben wart/
alle bossheytt vnd auch hoffart/
Auch gab in Gott stets sieg vnd krafft/
also bis her die Kydgnoschaft/
Hat geführt so ein ehlichen standt/
das jr lob gieng durch alle landt/
Wie sie weren frum bider leut.
Es hat kein Fürst ich dir bedent
Gegen ihnen sig ibe mögen han/
das schafft Gotsforcht die sie geban

Diens



Dienten auch Gott all zeit vnnnd stundt
desß gieng manch Fürst vnd herz z u
grundt/

Der maint mit ihn sein hochmut troy/
ben/

Karol von Burgund mocht auch nit
bleiben

Vor ihn / solt eben mercken mich/
darumb ich jetzt will fragen dich/

Das du mir wöllest sagen an/
Wie es ihn doch soll fürter gahn/
Ob ihr wesen mög han bestandt/
damit sie bhalten leut vnnnd landt .

Nolhard

So nimb von mir hie den verstandt /

Sechs ding zerstören alle landt /

Das ist hoffart / vngborsamkeyt /
darzū neidt vnd leichtfertigkeit /

Verzweyflung vnd auch giet

Zerstören gar vil landt vnd leut .

Darumb so merck inn kurzer frist

Hoffart die erste vrsach ist

Die Gott im himmel nit mocht leiden /

Joannes thut dauon wol schreiben .

Darnach so merck jetzt auff gar eben
auff hoffart kumpt vngborsam leben

Die Adam treib vom Paradis /

drumb Gott merck auff mit ganzem
flis /

Ist gbor sam gsin biß inn den todt /

Als Philippenſes gſchriben ſtoht /
Er will die ſelb auch von vns haben .
Züm dritten muß ich dir nu ſagen /
Auß onghorſam wechſt neidt vnd haß /
Als ich es Geneſi wollaß /
Neidt hat vil ſamers gſtiſſt auff erdt
als Marcus vns das wol erkliert.
Vnd Neſter auch beſcheidet mich /
im büch der König ſind ich deß glich
Bilderlich trew neydt auch zerſtört /
Waſtu bey Cain wol gehört /
Darauß entſpringt leichtfertigkeit
dauon Jeſus Syrach vns ſeyt /
Die macht den menſchen ſo verrucht
daſ er keyn billigkeit mee ſucht /
Alleyn betracht den eygen nutz /
daſſelb erſt iſt der rechte nutz /
Dadurch zerſtört wirt manch landt /
als wir inn vil hitorien handt /
Auß eygnem nutz entſpringt der geit
welcher verderbet landt vnd lewt /
Als wir finden an manchem ort
durch geit geſtiſſtet wirt manch mort /
Nur böſers iſt dann geit auff erdt /
Timotheus daſ wol bewert /
Geit den menſchen alſo blendt /
daſ er nit fragt ob er werd gſchendt /
Vnd auch darzü kein eh nit acht /
die geytigkeitt verzweiflung macht
Vnd nimbt die Gotsforcht ganz dahin /
Für vns zü leſt inn helle pin /

Als bald diß sechsß bñtzen ein landt
So bleibt es nit inn sein bestand.

Der eydgnosß

Brüder du sagst mir da wild schwencß
So ich nu hin vnd wider dencß
So wills bey vns auch also gahn
dann all vntrew will sáhen an/
Das machen allein Fürsten/berzn/
die vns also das landt zerstörn
Mit ihrem bösen gelt vnnnd golt
vnd ist vns dannocht keiner holt/
Noch vns das gelt also verblent
vnnnd macht vns frey so gar behendt/
Das wir leib vnnnd leben wogen/
Werden doch allzeit betrogen/
Das schafft allein das haimlich schmirn
dardurch sie vns täglich versüßirn
Brechten vns gern vmb landt vnd leut
Ich hoff zü Gott sie schaffen nüt/
Der vns gar wol beschirmen kan/
Als er dann hat bisßher gethan.
Noch bitt ich dich laß mich verstahn/
wann soll die Eydgnoschaft abgahn.

Nolhard

Auff erd handt alle ding sein zeit/
der weiß man dir diß lere geit/
Die mit der weil doch all zer gohn/
vnd bleibt auch keins nit ewig stohn
Dann Gott hat jedem gsetzt sein zil/
Weiter ich dich berichten wil.





Dschlaster bfigen ewer landt /
Wie du es selber hast bekant /
drumb bleib es nit in seim bestand
Vnd wann du setzt thest backen / reuten
als deine ältern than vorzeiten /
Vnd thets mit arbeyt dich ernern /
So dörfsts nit dienen Fürsten / herzn /
Wöcht dich auch kein böß gelt verfürn
Wilt aber dich nit selbs regirn /
Vnd wilt verderben leut vnd landt /
So lug wie lang es hab bestande.

Pydgnosß.



Darvon darffstu mir nit vil sagen
Ein güten mut den will ich haben /
Ein langer spieß gibt mir mer freud
Wann ich zeuch vber grüne haid /
Wein seiten spiel ein trummen lut /
diemanchen bringet vmb sein hut /
Darzū die bücksen vnnnd carthonen /
die manchem kriegsman bößlich lonen
Das er bleibt im grünen gras /
Sollich sterben thut mir vil bas /
Dann da heymen ligen zū betth /
Vnd lange weil mit Franckheit bett
Will so vertreiben hie mein zeit /
warten was mir das glück auch geit /
Ich fragt nit vil nach künfftig dingen
Vil lieber wolt ich dir eins bringen /
Vnd mit dir halten ein güten brasß
wann mich bekümmert wenig das /
wann



Vnd laß es sein damit ein ding/
Got geb soch wems vffs letzt geling
Die weils doch ist also gemain/
was solt ich dann anfahñ allein/
Ich wills auch also lassen bleiben/
vnd mit kriegē mein zeit vertreiben/
Hett mann mich aber bessers gleret/
so hett ich mich darnach gekert.
Weil aber das nu nit mag sein/
So folg ich nit der lere dein.

Nolhard



So nimb von mir hie den bescheyd/
Hör wie Gott zñ Petro geseit/
Ein jeder der secht mit dem schwert/
der wirt deß gleichen auch gewert.
Johannes spricht solt mercken eben/
Zwifach soll man ihn wider geben/
Wie sie hant than andern leuten/
drauff magst nu wol krigē / streiten.
Inn meinem büch / solt mercken schon
Sindstu auch klarlich geschriben stohn
Ein volck on haupt / merck mich hie recht
wirt werden jämerlich durchecht/
Auch wirt ein ruhes volck / hab acht
mit grosser straff geboz sam gemacht.

Der eydgnosß.

Wer sich fürchtet lez Palmen an/
In Franckreich sar ich jetz duruan.
f



Der Landtsnecht frage
den Bröder.

Ey lieber / wann ist's doch an mir
 Hast nit gar außgebuget schir /
 Bapst / herin vnnnd fürsten vberal /
 Tu sag mir auch mit reichem schal /
 Wie soll es Bröder Veiten gahn /
 dem selben frummen biderman /
 Er ist durchzogen alle landt /
 bey herin vnnnd fürsten wol bekant /
 Allmal angnem / behend onwert /
 Kein stehres glück ist ihm beschert.
 Sag doch ettwas dem edlen blät /
 der nüt gewinnt vnd vil verthut /
 Wer wais / es möcht mir etwa glingen
 so wolt ich dir ein bewtspfening bringen.

Nolhard



So bist du der Bruder Veit
von dem ich ghort hab lange zelt
Der so vil witwen vnd weisen macht/
der teuffel hat dich auff erden bracht/
Rein landt vor dir nit sicher ist/
Inn allen du gewesen bist/
Darin witwen vnnnd weisen gmacht
den Gott im himel gar veracht/
Der sprichet / thu keinem drang vñ gwalt/
mit deinem solt würdft billich alt/
So thut Johannes euch leren/
aber es seindt euch weyber mären.
Darumb ich red on allen spott
du seyst des teuffels leufferbott/
Waer nit balt hinkummen mag
So reits auff rossen nacht vnd tag/
Bringst ihm der Veiten so vil zū
das niemants hat für euch kein rā.
Ist das nun recht vnd wolgethan/
So bist du gwisein biderman/
Die Landtrent sagen nit also/
Es mag wol sein weit anderstwo.

Bruder Veit

Bruder du gibst marter böß wort/
der ich mein tag nit vil gebort/
Wann du nit werst ein alter narz/
ich hieb dir balt ein grossen schmar/
Das du bettest an mich zudencken
solchs wolt ich dir zür letze schencken.



Seint wir nit wol in der schrift dran
noch sag mir doch was für ein man
Cornelius sey gewesen schon/
da wir inn geschichten lesen von/
Ein hauptman zwar als ichs verstab
die Welsch Rott ihm befolenda.
Vnd Centurio in Capernaum/
bett kriegsknecht vil in seiner sum.
Wer vnser orden nu nit recht/
wie kems das vnser dschrift gedecht

Nolhard.

Pilati denckt man auch inn schrift/
was steckt dabinden für ein gift/
Der kriegsknecht auch im passion/
da sie umbo kleydt gespilet hon.
Des seint sie nun dester besser nit.
Corneliusbett ein andern sitt/
Mit all seimginder fürchtet Gott/
Strechtsbett zu Gott on allen spots/
Viel allmosen gab er hien
drumb ihm der Engel gotts erschien/
Seiner frumkeyt der zeugnus gab/
wie reümbt sich das mit deiner hab
Die du hast bewtet hin vnd wider/
da du vil armen schlugst darnider.
Vnd Centurions glaub was so groß
(Er gab sich bald heraussere bloß/
Sprach/ sag nur ein wort/ so ist ges
sundt
(Wein knecht gewis in dieser stund)

Des





Des Christus ihm sein zeugnuß gab/
Kein größern glaub gefunden hab
Inn ganz Israel da für war/
wie wol der auß der Waiden schar.
Wann du ein solcher kriegsman bist/
So bist du from zü aller frist/
Sonst dencket wol die schrifft dein/
Wie Pilati im Credo sein/
Vnd wirt dir mit der zeit ergabn/
wie wirs inn schrifft verfasset han/
Wie du den leuten hast gemessen/
wirt Gott dein gwislich nit vergessen/
Vnd wirt dir messen auch des gleich/
darzū fürst balt inns Teuffels reich.
Nit weiter will ich dir verkünden/
Las ab bey zeit von deinen sünden
So wirt schier rath deiner sach/
dann bistu schon auß ongemach.

Brüder Veit.

Warter, das ist vnser dings nit/
So zög ich gar nit einen schritt/
Sag hin sag her / ja was du wilt
Inn Franckreich ist mir nugezilt/
Wöcht ich vil kronen han daruon
dann wolt ich mich wolweisen lon/
A de a de ich sar daruon.
Wann die hür alt so würt sie frum
Jetzt gilt es noch den bumerle bum.

Nolhard.



Ach Gott in deinem höchsten thron/
wann muß ich doch ein mal daruon/
Auf dieser argen schönden welt/
die alles warn für nütze hellt.
Der will an galgen / der anß rath /
der lügt wie er sein nechsten schad /
Noch solles als sein wolgethon /
Ach Gott ich bitt nemb mich daruon.
Ich hoff ich hab das mein gethan /
vnd werets mich nit entgelten lan
Das niemant sich gebessert drab /
Sep du doch selbst vom himel brab
Auff der menschen kindt alle sandt /
vnd bring sie balt inn bessern standt /
Bey dir all ding wol mütlich sein /
das man balt folgt der leere dein /
Da ichs schlecht nit hinbringen kan /
binn setzt der welt ein Reichs man /
Doch muß mans thun so dirs gefelt /
drumb ist all welt zü red gestelt /
Da richt es auß nach deiner ehr /
Nit mer ich setzt zümal beger
Dein barmherzigkeyt won vns bey /
der recht glaubet ist sünden frey.
Ich binn nu schwach helff mir daruon
ach Gott / in deinen heylgen thron.
Glaubent dem wort / vñ thunt darnach
Got bhüt üch all vor weltlich schmach
Vor hertzenleydt / vnd Gottes zorn /
Wir weren sunst ewig verlorn /
Darfür behüt vns Jesus Christ /
der aller menschen mütler ist.





Der Ehrenhold.

Gar fleißig bitt ich jederman/
 Wan wöll vns nichts für vbel han
 Inn vnserm spil / sey wer er wöl/
 die warheyt bringe ein schlecht gesel
 Es ist niemant gemacht zū laide/
 Wercht jeder auff was es ihm seyt
 So stünd es besser inn der welt/
 drum seint hochleut hircingestelt
 Das sie von erst sölln heben an/
 dann folgt bald nach der gmaine man/
 Dann würd Gott zeitlich Friden geben/
 vnd darnach han das ewig leben/
 Das bgerent all von Jesu Christ/
 der vnser aller Schirmer ist.
 Amen amen das werde war/
 Gots wort das sehle euch nit ein har.
 damit ist es beschloffen zwar.

M. J. C. V. M. S. S.

